

Dari Hal Kita

Al-ḥamduli 'l-Lāh, telah tiba masanya, kita mengambil keputusan memindahkan ibu pejabat kita ke Petaling Jaya, Kuala Lumpur sesudah mengadakan khidmatnya dari suatu ke suatu masa di pulau Singapura ini.

Perpindahan yang kita lakukan tidak lain kerana mengikuti luasnya perkembangan bahasa kebangsaan di sana yang dahulunya kita perjuangkan bersama-sama terus-menerus sehingga tertaja Kongres Bahasa di Singapura yang menjadi bibit tumbuhnya kemajuan bahasa di seluruh tanah air.

Tidaklah payah kita mempersoalkan perkara-perkara yang telah lalu dan keadaan masa sekarang kerana umum mengetahui keadaannya yang sebenar. Hanya kita bersyukur kepada Allah, walau bagaimana besarnya gelombang yang kita hadapi, *al-ḥamduli 'l-Lāh*, kita dapat melayarkan bahtera kita di atas dasarnya yang tetap – tidak berubah-ubah, sekalipun keadaan kita selalu menempuhi kesulitan-kesulitan menghadapi perubahan-perubahan yang silih berganti. Kepada Allah mengucapkan kesyukuran di atas usaha-usaha kita sehingga kita dapat berjalan hari ini dan dapat pula kita berpindah tempat (berhijrah) semoga dengan “berhijrah” ini dapat lagi kita meluaskan usaha dan perjalanan kita menuju cita-cita yang satu – mendapat keredaan Allah. Amin!

Penerbit

Alamat baharu percetakan dan penerbitan Qalam
sesudah 1 September 1967.

Ibu pejabat:

QALAM

Penchetak dan Penerbit

8247, Jalan 225, Petaling Jaya,

Kuala Lumpur.

Chawangan:

54, Lorong G, Telok Kurau,

Singapura, 15-Tel: 40384.

Cabutan

Kita akan menyerah kalah kalau kita tidak sanggup melawan sekalipun dengan bantuan tentera-tentera Komanwelnya – Tengku Abdul Rahman.

*

Saya tidak mahu menjadikan negeri ini sekali lagi sebagai medan peperangan di mana manusia dibunuh dengan sewenang-wenang. Cukuplah dengan peperangan lalu yang memakan banyak korban. – Tengku Abdul Rahman.

*

Cita-cita saya ialah untuk hidup aman damai dan bukan untuk bergaduh. Kalau saya merasa tidak dapat mencapai cita-cita itu lebih baik saya undur sahaja dari arena politik. – Tengku Abdul Rahman.

*

Kejayaan kita dalam masa sepuluh tahun merdeka tidak dapat diatasi oleh British dalam masa pemerintahan mereka sepuluh tahun. – Tengku Abdul Rahman.

*

Pegawai-pegawai kerajaan dan ahli-ahli politik menghadapi tanggungjawab-tanggungjawab yang sama iaitu berkhidmat kepada rakyat. – Tan Sri Abdul Jamil bin Rais. Ketua Setiausaha Negara Malaysia.

*

Wanita-wanita kita hendaklah pandai menggunakan masa terluang untuk kebaikan dan kebajikan seperti masuk kelas-kelas dewasa, hadir mendengar kuliah ilmu, forum dan ceramah untuk memperkuatkan kedudukan kita di tanah air. – Puan Salmah Syamsuddin.